

Golden Point Award 2023
Malay Poetry – Second Prize
Sang Pelarian by Abu Umar (Suryadi Bin Mohamed Bajuri)

Kyoto, Paris dan Glasgow

muluk-muluk tutur kata sebuah manifesto

iltizam membara mempertahankan benua yang lara

merawat iklim tidak berdaya, kononnya

Padah rumah kaca tidak sudah

bumi berdarah gersang merkah

pemanasan global meninggalkan kesan

angkara tindakan serakah tiada keihsanan

Tanda tangan perjanjian dan berjabat tangan

satu kejayaan orang-orang perlembagaan

tiada tindakan cukup dengan sorakan

mampu membisukan rintihan sang pelarian

Apa yang dihairankan lagi

kalimah *No action Talk Only* sudah lama bermanifestasi

Kyoto, Paris dan Glasgow terus menjadi saksi

linangan air mata bakal membenam Kirabati